



Nasjonalparkstyret
for Jotunheimen
og Utladalen

Møteprotokoll

Utval: Nasjonalparkstyret for Jotunheimen og Utladalen

Møtestad: Teams

Dato: 28.11.2025

Tidspunkt: 09:00 - 11:40

Følgjande faste medlemmer møtte:

Namn	Funksjon	Representerer
Leif Solemsli	Leder	Vang kommune
Harald Sve Bjørndal	Medlem	Vågå kommune
Marit Sletten	Medlem	Lom kommune
Trude Brosvik	Medlem	Vestland fylkeskommune
Geir Arve Sandvik	Medlem	Luster kommune
Christian Sønstlien	Nestleder	Årdal kommune

Følgjande medlemmer hadde meldt forfall:

Namn	Funksjon	Representerer
Åse Harjo Øvstegård	Medlem	Innlandet fylkeskommune

Følgjande varamedlemmer møtte:

Namn	Møtte for	Representerer
------	-----------	---------------

Merknader:

Forvaltar har ikkje motteke melding om forfall frå Øvstegård, så det var ikkje kalla inn varamedlem.

Andre frammøtte:

Namn
Eldrid Nedrelo
Stein Olav Windingstad
Kari Sveen

Underskrift:

Vi stadfester med underskriftene våre at det som er ført på dei sidene vi har signert i møteboka, er i samsvar med det som blei vedteke på møtet.

Leif Solemsli

Geir Arve Sandvik

Saksliste

Utvalgs-saksnr	Innhold	Lukket	Arkiv-saksnr
ST 29/2025	Godkjenning av innkalling og dagsorden		
ST 30/2025	Referatsaker		
RS	Informasjon - skadefelling og lisensfelling i verneområder - Nasjonalparkstyret for Jotunheimen og Utladalen		2025/12004
RS	Rapport - passasjertal 2025 - Jotunheimen NP - Drift av rutebåten på Gjende - Gjendebåten AS		2019/18641
RS	Høring - regionale føringer for sol- og vindkraft - Innlandet - Nasjonalparkstyret for Jotunheimen og Utladalen		2025/11394
RS	Orientering - hovedprosjekt - reiseliv og forvaltning - en pilot i Innlandet - Nasjonalparkstyret for Jotunheimen og Utladalen		2025/12834
RS	Tilbakemelding - Avslutta sak - verneforskrift for nasjonalparken - Jotunheimen NP - minnesmerke - Besseggen		2025/11322
RS	Vedtak Utladalen landskapsvernområde - Vedtak om oversending av sak for oppfølging etter naturmangfaldlova § 74	X	2025/5569
RS	Referat frå møte - 12.09.25 - Rådgjevande utval - Nasjonalparkstyret for Jotunheimen og Utladalen - Klingenberg hotel, Årdal kommune		2023/15410
ST 31/2025	Delegerte vedtak		
30/2025	Delegert sak - dispensasjon - Utladalen LVO - transport av materialar og utstyr - Vettisvegen - stiarbeid - Per Mundhjeld		2025/9789
31/2025	Delegert sak - dispensasjon - Utladalen LVO - uttransport av vaier og gjerdestolpar - Vettisvegen - Utladalen nasjonalparksenter		2025/9843
32/2025	Delegert vedtak - dispensasjon - Jotunheimen NP - helikopter - beredskapsøvelse - Bøverbrean - Stiftelsen Norsk Luftambulanse		2025/9802
33/2025	Delegert vedtak - dispensasjon - Utladalen LVO - drone - filmprosjekt om vassdragsnatur - The SOS Project - Vegard Byrkjeland Aasen		2025/9852
34/2025	Delegert vedtak - dispensasjon - Utladalen LVO - el-sykkel - Vettisvegen - filmproduksjon - Nordisk Banijay		2025/10181
35/2025	Delegert vedtak - dispensasjon - Utladalen LVO - minigravar - transport på Koldedalsvegen - drenering rundt hytte - Hydro Energi AS		2025/10240
36/2025	Utladalen landskapsvernområde - Dispensasjon - Motorferdsel - 2025 - Forlenging av dispensasjon -		2025/10240

	Bruk av minigravar og transport på Koldedalsvegen - Hydro Energi AS	
37/2025	Delegert sak - dispensasjon - Utladalen LVO - bruk av bil - persontransport - materialer og utstyr - Vettisvegen - rehabilitering på Lauvhaugen gard - Lars Ove Skorpen - Sunde Resirk	2025/10439
38/2025	Delegert vedtak - dispensasjon - Jotunheimen NP - snødekt mark - snømålinger - Glommens og Laagens Brukseierforening	2025/10855
39/2025	Delegert vedtak - Jotunheimen NP - Motorferdsel 2026-2027 - Transportplan for ombygging av brygge ved Gjendebu - Gjendebåten AS	2024/4772
ST 32/2025	Nasjonalparkstyret for Jotunheimen og Utladalen - midlar til tiltak i verneområde - naturrestaurering - SNO-ressursar - 2026	2025/11936
ST 33/2025	Jotunheimen NP - dispensasjon - motorferdsel - 2026-2029 - helikopter - snødekt mark - fangst og radiomerking av jerv - Norsk institutt for naturforskning NINA	2025/10782
ST 34/2025	Utladalen landskapsvernområde - Dispensasjon - Badestamp - Lauvhaugen gard - 2025 - Lars Ove Skorpen	2025/12083
ST 35/2025	Jotunheimen NP - dispensasjon - motorferdsel - 2026 - snødekt mark - drone - filming på Gjende - Film in Norway AS	2025/12396
ST 36/2025	Utladalen landskapsvernområde - Dispensasjon - 2025 - Riving av eksisterande bru og oppføring av nye bru - Gravdøla - Årdal Turlag	2025/12291
ST 37/2025	Jotunheimen NP - dispensasjon - 2026 - omlegging av vinterløype Glitterheim - Memurubu - DNT Oslo og Omegn	2025/13093
ST 38/2025	Eventuelt	

ST 29/2025 Godkjenning av innkalling og dagsorden

Saksprotokoll i Nasjonalparkstyret for Jotunheimen og Utladalen - 28.11.2025

Behandling

Vedtak

Innkalling og dagsorden godkjent.

Geir-Arve Sandvik vart vald til å skrive under protokollen saman med styreleiar.

ST 30/2025 Referatsaker

Saksprotokoll i Nasjonalparkstyret for Jotunheimen og Utladalen - 28.11.2025

Behandling

Referatsakene vart gjennomgått av forvaltarane.

Sak RS-24/2025:

Eldrid Nedrelo og Stein Windiningstad orienterte om saka.

Dei observerte hendinga da dei var i Utladalen på synfaring i ei anna sak.

Det var her brot på vilkåra i motorferdselløyvet, som gjev føringar for at flyging her skal skje på hausten. Helikoptertransport skal også varslast SNO på førehand, og dette var heller ikkje fylgd opp.

Vidare var det ikkje søkt om tiltaket i tråd med orientering som var gjeve i e-post frå forvaltar til tiltakshavar, etter at det var varsla om at det var skader på brua.

3. nov. vart det ilagt forelegg, som er vedteke av tiltakshavar 11.11.25.

Styret syntes at saka var fylgd opp på ein god måte.

Vedtak

Referatsakene vart tekne til orientering..

ST 31/2025 Delegerte vedtak

Saksprotokoll i Nasjonalparkstyret for Jotunheimen og Utladalen - 28.11.2025

Behandling

Vedtak

Delegerte vedtak vart tekne til orientering.

ST 32/2025 Nasjonalparkstyret for Jotunheimen og Utladalen - midlar til tiltak i verneområde - naturrestaurering - SNO- ressursar - 2026

Innstilling frå forvaltar

Nasjonalparkstyret for Jotunheimen og Utladalen vil med utgangspunkt i den store ferdselen i Jotunheimen, samanlikna med andre nasjonalparker, be om at tildeling av tiltaksmidlar også må reflektere besøkstalet og graden av ferdselslitasje på stinettet i dei ulike verneområda.

Nasjonalparkstyret søker om tiltaksmidlar for 2026 via elektronisk søknad til følgjande tiltak:

Midlar til arbeid i nasjonalparkstyret og rådgjevande utval

Det blir budsjettert med midlar til inntil fire fysiske møte i nasjonalparkstyret i 2026. Eitt av møta er samordna med møte i Rådgjevande utval. Styret tek stilling til om ein også skal arbeide for å få til ein studietur i 2026, og søke om midlar til dette.

Informasjon/tilrettelegging i tråd med besøksstrategi og forvaltningsplan

- Vedlikehald og fornying av tiltak ved innfallsportane (informasjonstavler, m.m.)
- Oppdatere og tilpasse dei besøksretta heimesidene, www.jotunheimen.info, ved behov

Vedlikehald av stinettet i Jotunheimen og Utladalen.

- Større tiltak på Bessegg-stien opp frå Memurubu blir søkt gjennomført over 2-3 år, med oppstart i 2026. Planlegging skjer på grunnlag av forprosjekt gjennomført av Lom fjellstyre i 2025, etter tilråding frå Stiskulen i Miljødirektoratet. Tiltaket er arbeidskrevjande og får høg kostnad pga behov for ein god del transport av grus og stein med helikopter.
- Utlegging og montering av halvklovningar på strekningar med slitasje/erosjon frå brua Morka-Koldedøla – utsiktspunktet ved Vettisfossen – Vettismorki.
- Vedlikehald og førebyggjande tiltak på andre stiar om det oppstår behov.

Skjøtsel, vidareføring av etablert opplegg (budsjett overført frå SNO til forvaltninga frå 2026):

- Slått på Skåri, Avdalen og Vetti (heimre Utladalen)
- Styrte beite på Skåri, Avdalen og Vetti (heimre Utladalen)
- Styving/rising av alm og lind. Vedlikehald av styvingstre i heimre Utladalen
- Krattrydding/vedlikehald Øvre Utladalen
- Styrte beite ved Gjendebu (storfe)
- Kratt og skogrydding/vedlikehald Gjendebuområdet
- Slått av kve ved Gjendebu blir utført annakvart år, i tråd med tilråding frå Miljøfaglig utredning. Det var slått i 2024 og neste gong blir dermed i 2026.

Forvaltningsplan

- Auke kunnskapsgrunnlaget – jf. pågåande arbeid med revisjon av forvaltningsplan og besøksstrategi.
- Registrering av bygningar i nasjonalparken og landskapsvernområdet i Naturoppdrag

Andre tiltak

- Vedlikehald og drift av eksisterande tiltak. (Utsiktsplattform Vettisfossen, Utkikkspunkt Sognefjellet, utedo og søppelstativ Veodalen, tavler ved innfallsportane).
- Ferdselsteljarar blir sett opp på følgjande plassar i 2026:

- Teljarar med direkte avlesing: Knutshøe, Skagastølsdalen, Veslløyfte, Galdhøpiggen (på Juvflye eller frå Visdalen – etter nærare vurdering)
- Enkle teljarar: Vettisfossen nede, sti frå Vetti opp mot Vettismorki og utsiktspunkt mot fossen, Jostigen, anlegg ved Sognefjellshytta

Endeleg prioritering av tiltak blir gjort i 2026, etter at Miljødirektoratet har vedteke tildeling av midlar. Nasjonalparkstyret vurderer god besøksforvaltning som ei særleg viktig oppgåve, da dette skal gje grunnlag for bruk av verneområda som ein ressurs for lokalsamfunnet. For å kunne nytte nasjonalparkane som merkevare og trekkplaster i reiselivet, er det nødvendig at bruken skjer på ein berekraftig måte som ikkje går ut over verneverdiane. Det må derfor satsast på informasjon, kanalisering av ferdsel utanom sårbare område, og stivedlikehald, restaurering og tilrettelegging i område definert som brukssoner med meir intensiv bruk.

Etablert skjøtsel av kulturlandskap i Utladalen og ved Gjendebu er planlagt vidareført.

Ønskte tenester frå SNO:

- Ansvar for arbeidet med fagmessig skjøtsel av styvingstre i Utladalen.
- Rettleiing og oppfølging av skjøtelsarbeid på kulturmark i medhald av plan i Utladalen.
- Rettleiing og deltaking ved slått av seterkve ved Gjendebu.
- Oppfølging av ferdselsteljarar i Jotunheimen og Utladalen.
- Skilting: Standard skilt (drone, forbod mot el-sykkel osv.) på aktuelle innfartsårer. Ettersyn og supplering av løveskilt. Oppsetting av informasjonsskilt om ferdselsråd i villreinområdet.
- Oppfølging av tiltak på stinettet på Vettismorki med praktisk rettleiing ved oppstart.
- Kartlegge behov for utbetringar på stinettet.
- Følgje med på utviklinga i Utladalen når det gjeld almesjuke og bidra i førebuing av ev. naudsynte tiltak som kartlegging.

Sekretariat

Nasjonalparkstyret viser til at sekretariatsbudsjettet må vera på eit slikt nivå at forvaltarane får utført pålagte oppgaver, i samsvar med intensjonane i forvaltningsmodellen og i tråd med styrevedtekter og stillingsinstruks for forvaltarane som føreset kunnskapsbasert forvaltning. Vi vil særleg peike på forventninga om at nasjonalparkforvaltninga skal ha god dialog med kommunar, rettshavarar, grunneigarar og andre aktørar i og ved verneområda, og at arbeidet med skjøtsel, tilrettelegging og oppfølging av konkrete saker krev at forvaltarane har rom for å gjennomføre nødvendige synfaringar og møte. Forvaltarane skal også ha moglegheit for å delta på regionale og nasjonale samlingar for forvaltarane, og det er også behov for kompetansehevande tiltak. Dette betyr at dei respektive statsforvaltarne må setja av tilstrekkeleg budsjett for reiser o.a.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 28.11.2025

Behandling

Forvaltarane viste ein presentasjon med bilete av tiltak utført i 2025.

Det vart orientert om at skjøtselsbudsjettet frå 2026 er flytta over til samla tiltaksbudsjett, og at ansvar for avtaler om gjennomføring er flytta frå SNO til forvaltarane.

Etter avklaring om nokon av grunneigarane sjølve skal utføre delar av skjøtselen sjølve, blir skjøtsel i Utladalen lyst ut som fleirårig oppdrag i tråd med reglane for offentleg innkjøp.

Det vil bli lagt stor vekt på erfaring og evne til å få gjennomført dei ulike deltiltaka til rett tid gjennom vekstsesongen. Ein kan ikkje legge avgjerande vekt på pris i eit så samansett oppdrag der andre faktorar spelar inn.

Trude Brosvik oppmoda til å sjå på moglegheitene for sommarjobb for ungdom i samband med skjøtselen - jf. satsing frå Vestland fylkeskommune.

Forvaltarane vil rekne meir på budsjettbeløp på dei einskilde postane før innmelding av behov.

For å kunne starte det store tiltaket på Besseggstien er ein avhengig av å ha nok tiltaksmidlar.

Det kan vera aktuelt å fordele tiltaket over to somrar, avhengig av tildeling og personalressurs til god oppfølging.

Styret ser at ein studietur kunne vera nyttig, Forvaltarane vil sjå nærare på aktuelle reisemål og legge inn søknad om budsjett for ein slik tur. Det er aktuelt å kombinere med avvikling av eit styremøte.

Vedtak

Som innstillinga.

ST 33/2025 Jotunheimen NP - dispensasjon - motorferdsel - 2026-2029 - helikopter - snødekt mark - fangst og radiomerking av jerv - Norsk institutt for naturforskning NINA

Innstilling fra forvalter

Med hjemmel i naturmangfoldlovas § 48, jf. § 4 i verneforskrift for Jotunheimen nasjonalpark, får Norsk institutt for naturforskning tillatelse til bruk av helikopter og snøskuter for fangst og radiomerking av jerv i samsvar med søknad av 01.10.25.

Dispensasjonen gjelder med følgende vilkår:

1. Område: Dispensasjonen gjelder den del av nasjonalparken som ligger i Lom og Vågå kommuner.
2. Tidsrom: Dispensasjonen gjelder for perioden 15. februar – 20. april i åra 2026-2029, men gjelder ikke i påskeukene (palmelørdag – 2. påskedag).
3. Aktivitetene skal av hensyn til friluftslivet legges utenom helgedager (lørdag/søndag).
4. Flyging nær dyr eller fugl skal unngås. Vis særlig hensyn til rovfugl, og trekk unna ved eventuell observasjon.
5. Kjøring med snøskuter skal planlegges grundig og utføres i samråd med lokalt SNO og/eller lokalt fjelloppsyn.
6. SNO v/ Stein Windingstad skal varsles om dato for operasjonsdager i god tid.
Mobil 957 09 933 / e-post stein.olav.windingstad@miljodir.no
7. Dispensasjonen skal tas med under oppdraget og skal kunne vises ved eventuell kontroll.
Det skal føres transportlogg for skuter og landingslogg for helikopter, som sendes til nasjonalparkforvalter innen 1. mai hvert år.

Det er en forutsetning at også kommunen gir tillatelse som myndighet etter motorferdselova, og at grunneier ikke har innvendinger, jf. motorferdsellova § 10.

Saksprotokoll i Nasjonalparkstyret for Jotunheimen og Utladalen - 28.11.2025

Behandling

Vedtak

Som innstillinga.

ST 34/2025 Utladalen landskapsvernområde - Dispensasjon - Badestamp - Lauvhaugen gard - 2025 - Lars Ove Skorpen

Innstilling fra forvalter

Nasjonalparkstyret for Jotunheimen og Utladalen avslår søknaden om oppsetting av en badestamp på Lauvhaugen gard. Avslaget er gitt med hjemmel i naturmangfoldlova § 48 første ledd, første alternativ, jf. verneforskrifta for Utladalen landskapsvernområde § 4 første alternativ, jf. § 3 ptk. 1.1.

En dispensasjon i denne saka vil kunne danne uheldig presedens og slik sett bidra til å påvirke verneverdier og verneformål i en negativ retning. Ved å vise til hensynet til økosystemtilnærming og faren for økt samla belastning, jf. naturmangfoldloven § 10, blir det ikke gitt dispensasjon for oppføring av badestamper, da dette vil skape uheldig presedens for senere saker og medføre fare for stor samla belastning i kulturlandskapet over tid.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 28.11.2025

Behandling

Det vart ein diskusjon om i kva grad ein badestamp ville påverke landskapet i Utladalen. Fleire tok til orde for at ein kanskje kunne sjå litt annleis på ein slik intstallasjon i eitt av tuna nede i dalen enn om det skulle koma tilsvarende søknad ved nokon av sela på Morki eller på Hjelledalen.

Trude Brosvik påpeika at likebehandlingsprinsippet lett vil føre til at ein også må godta tilsvarende søknader i framtida, og vil i utgangspunktet støtte tilrådinga frå forvaltar.

Geir-Arve Sandvik lurte på om det kunne vera klokt å sende saka attende med spørsmål om det går an å tilpasse tiltaket til bygningsmiljøet på ein betre måte.

Vedtak

Nasjonalparkstyret tek ikkje stilling til saka i dag.

Det er ønskjeleg å sjå saka i samanheng med andre tiltak; m.a. varsla behov for oppgradering av hovudhuset.

ST 35/2025 Jotunheimen NP - dispensasjon - motorferdsel - 2026 - snødekt mark - drone - filming på Gjende - Film in Norway AS

Innstilling fra forvalter

Med hjemmel i verneforskrift for Jotunheimen nasjonalpark, § 3 pkt. 6.1 og 7.3, avslår Nasjonalparkstyret for Jotunheimen og Utladalen søknad fra Film in Norway AS om dispensasjon for bruk av snøscootere og drone i forbindelse med filming på Gjendeisen. Søknaden er vurdert etter naturmangfoldlovas § 48 første ledd, første alternativ, og det vises til vilkårene om at dispensasjon bare kan gis for tiltak som *«ikke strider mot verneformålet og ikke påvirker verneverdiene nevneverdig. Begge vilkår må være oppfylt.»*

Vi ser av tidligere saker at en her må forvente flere lignende søknader dersom en fortsetter å gi enkeltdispensasjoner for bruk av østre del av Gjendeisen som filmlokasjon.

Med henvisning til føre-var-prinsippet og hensynet til økosystemtilnærming og samla belastning blir det ikke gitt dispensasjon for kommersiell filming for spillefilmer, underholdningsprogrammer o.l., da dette vil skape uheldig presedens for seinere saker og fare for økt samla belastning på sikt – jf. naturmangfoldlovas § 10. Vilråene for bruk av Nml § 48 anses ikke å være oppfylt, da en tillatelse kan skape presedens og medføre en uthuling av innholdet i verneforskrifta på sikt.

Revisjon av forvaltningsplanen pågår, og dersom en skal åpne for denne typen filmoppdrag innen nasjonalparken må det skje innen rammer fastsatt i forvaltningsplan, og ikke som mange enkeltdispensasjoner for samme formål i ett område. Dette vil medføre en uthuling av innholdet i verneforskrifta og vil ikke være i samsvar for de strenge vilråene for bruk av § 48 i naturmangfoldlova som unntakshjemmel.

Saksprotokoll i Nasjonalparkstyret for Jotunheimen og Utladalen - 28.11.2025

Behandling

Geir-Arve Sandvik viste til at ein ser ei utvikling med at det kjem stadig fleire produksjonar av ulike filmar. Ein må vera budd på at vi vil få mange søknader om unntak for å drive med filming i framtida, og ein må ta ein overordna diskusjon om denne problemstillinga.

Trude Brosvik var tydeleg på at ein må få ei overordna vurdering av problemstillinga, og sjå saka i samanheng med revisjon av forvaltningsplanen.

Harald Sve Bjørndal viste til at ein også er i prosess med utviding av nasjonalparken, og dette vil bli svært vanskeleg å få til dersom ein er heilt avvisande til slike aktivitetar som gjev svært positive ringverknader i ein elles roleg periode for reiselivet.

Han fremma på bakgrunn av dette følgjande forslag til vedtak:

Med hjemmel i naturmangfoldlovas § 48, jf. § 4 i verneforskrift for Jotunheimen nasjonalpark, får Film in Norway AS løyve til bruk av snøskuter og droneflyging i forbindelse med filming på Gjendeisen i samsvar med søknad av 10.11.2025.

Dispensasjonen gjelder med følgjande vilkår:

1. Område: Dispensasjonen gjelder bruk av snøskuter og droneflyging frå Gjendeosen og 2 km innover etter sørsida av Gjende.
 2. Tidsrom: Dispensasjonen gjelder 6 dagar i perioden 1. -28. februar 2026.
 3. Aktivitetane skal av omsyn til friluftslivet leggjast utanom helgedagar (laurdag/søndag).
 4. Flyging nær dyr eller fugl skal unngåast. Vis særleg omsyn til rovfugl, og trekk unna ved eventuell observasjon.
 5. Køyring med snøskuter skal planleggast grundig og utføres i samråd med lokalt SNO og/eller lokalt fjelloppsyn.
 6. SNO v/ Stein Windingstad skal varsles om dato for operasjonsdagar i god tid. Mobil 957 09 933 / e-post stein.olav.windingstad@miljodir.no
 7. Dispensasjonen skal tas med under oppdraget og skal kunne vises ved eventuell kontroll. Det skal føres transportlogg for skuter og logg for dronebruk, som sendes til nasjonalparkforvaltar innan 1. mai.
- Det er en forutsetning at også kommunen gir løyve som myndigheit etter motorferdselslova, og at grunneigar ikkje har innvendingar, jf. motorferdselslova § 10.

Nasjonalparkstyret meiner at dette området av nasjonalparken, i forhold til føre var prinsippet, har tolegrense og tilgjengelegheit i forhold til aktiviteten og tidsrommet det vert gjeve dispensasjon for. Nasjonalparkstyret er restriktive i forhold til dispensasjonar men ser søknaden i samanheng med Jotunheimen nasjonalpark som verdiskapar for lokalt næringsliv og nasjonal satsing på større filmprosjekt som bidreg til attraktivitet for kommunane.

Trude Brosvik meinte at ein tidsavgrensa aktivitet som dette kunne koma inn under vilkåra om at *"Tiltaket er en aktivitet som skjer i et avgrenset tidsrom og på et avgrenset område i utkanten av nasjonalparken der det ikkje vil gå ut over verneverdier eller være i konflikt med verneformålet."*

Ho framheva samtidig at det vil vera uheldig å halde fram med å gje enkeltdispensasjonar utan å gjera ei overodna vurdering, og foreslår eit tillegg: *"Nasjonalparkstyret merkar aukande søking om dispensasjon til filmproduksjon. Styret ber derfor om ein gjennomgang av forvaltningsplanen om ein eventuelt skal ha nokre lokalsjonar som er meir opne for å søkje om."*

Etter ein god diskusjon samla styret seg om forslaget frå Harald Sve Bjørndal, med tillegg av innspel frå Trude Brosvik.

Forvaltarane fekk ut ifrå dette oppdrag om å formulere eit vedtak som tek inn elementa frå begge forslagsstillarane og sende utkastet til saksprotokoll til endeleg godkjenning.

Vedtak

Med hjemmel i naturmangfoldlovas § 48, jf. § 4 i verneforskrift for Jotunheimen nasjonalpark, får Film in Norway AS løyve til bruk av snøskuter og droneflyging i forbindelse med filming på Gjendeisen i samsvar med søknad av 10.11.2025.

Dispensasjonen gjelder med følgende vilkår:

1. Område: Dispensasjonen gjelder bruk av snøskuter og droneflyging frå Gjendeosen og 2 km innover etter sørsida av Gjende.
2. Tidsrom: Dispensasjonen gjelder 6 dagar i perioden 1.-28. februar 2026.
3. Aktivitetene skal av omsyn til friluftslivet legges utenom helgedager (lørdag/søndag).
4. Flyging nær dyr eller fugl skal unngås. Vis særleg omsyn til rovfugl, og trekk unna ved eventuell observasjon.
5. Kjøring med snøskuter skal planlegges grundig og utføres i samråd med lokalt SNO og/eller lokalt fjelloppsyn.
6. SNO v/ Stein Windingstad skal varsles om dato for operasjonsdagar i god tid. Mobil 957 09 933 / e-post stein.olav.windingstad@miljodir.no
7. Dispensasjonen skal tas med under oppdraget og skal kunne vises ved eventuell kontroll.
8. Det skal føres transportlogg for skuter og aktivitetslogg for dronebruk, som sendes til nasjonalparkforvalter innan 1. mai.

Nasjonalparkstyret er restriktive i forhold til dispensasjoner, men ser søknaden i sammenheng med Jotunheimen nasjonalpark som verdiskaper for lokalt næringsliv og at nasjonal satsing på større filmprosjekt kan bidra til attraktivitet for kommunene. Den østre delen av Gjende har landskapskvaliteter som gjør området særlig attraktivt for naturfilmer, og en kommer her ikke i konflikt med sårbare arter som villrein eller rovfugl.

Tiltaket er en aktivitet som skjer i et avgrenset tidsrom og på et avgrenset område i utkanten av nasjonalparken der det ikke vil gå ut over verneverdier eller være i konflikt med verneformålet.

Nasjonalparkstyret registrerer et økende antall søknader om dispensasjon for filmproduksjon, og har etter at forvaltningsplanen fra 2008 ble utarbeida fått et tydelig oppdrag fra nasjonalt nivå om mulighet for verdiskaping så lenge dette ikke går ut over verneverdiene.. Nasjonalparkstyret vil i forbindelse med pågående revisjon av forvaltningsplanen vurdere om det kan være avgrensa områder/soner der en på visse vilkår kan åpne for enkelte filmoppdrag.

Det er en forutsetning at også kommunen gir løyve som myndighet etter motorferdselslova, og at grunneier ikke har innvendinger, jf. motorferdselslova § 10.

ST 36/2025 Utladalen landskapsvernområde - Dispensasjon - 2025 - Riving av eksisterende bru og oppføring av nye bru - Gravdøla - Årdal Turlag

Innstilling frå forvaltar

Årdal Turlag får med heimel i verneforskrifta for Utladalen landskapsvernområde § 3 pkt. 1.3 d) løyve til å sette opp ei ny bru i Gravdalen med plassering slik det er opplyst om i kart vedlagt søknaden.

Det er lagt særleg vekt på at den nye brua erstattar den gamle brua, og tiltaket vil ikkje vere i strid med verneformålet eller verneverdiane.

Dispensasjonen er gjeven med følgjande vilkår:

- Den nye brua skal byggast i tråd med opplysningar gjeve i dispensasjonssøknaden frå Årdal Turlag.
- Bua har ei lengd på inntil 20 m og ei breidd på inntil 2 m.
- Bua skal byggast med materiale som grånar naturleg, som oppgitt i søknaden.
- Fundamenta er tre laftekassar (bolverk), ein på kvar side og ein i midten. Kassane skal fyllast med stein. Mellom kassane blir det lagt stolpar, to i breidda. Øvest er det flakar som kan fjernast før vinteren.
- Før tiltaket blir sett i verk, må det må avklarast med forvaltningsmyndigheita om det skal brukast stadeigen stein, og kvar den ev. kan hentast. Sinking av stein må skje manuelt.
- Den gamle brua skal fjernast frå området.
- Det skal ryddast opp etter avslutta arbeid, og alt overflødig materiale, avfall og utstyr osv. skal fraktast ut av verneområdet.
- Ut frå føre-var-omsyn (naturmangfalslova § 9) må all motorisert transport planleggast til etter 31. juli, etter den mest sårbare tida for hekkande rovfugl.
- Ein rapport frå gjennomføringa av arbeidet skal sendast til nasjonalparkstyret v/nasjonalparkforvaltar etter ferdigstilling og seinast 15. november 2026.
- Alle som skal jobbe med bruprosjektet skal vere kjende med innhaldet i dette brevet.
- Ev. avvik frå planteikningane og tidspunkt for gjennomføring av tiltaket skal avklarast med forvaltar på førehand.
- Årdal Turlag står som eigar av brua, og er ansvarleg for vedlikehald.

Gravdøla er del av Utlavassdraget som vart verna gjennom verneplan III for vassdrag. Tiltaket må derfor avklarast med NVE som vassdragsmyndigheit for verna vassdrag. I tillegg må det innhentast løyve etter forskrift om fysiske tiltak i vassdrag frå Vestland fylkeskommune (tiltak oppstraums anadrom strekning, innlandsfisk), samt løyve etter plan- og bygningslova frå Årdal kommune. Det må innhentast eige løyve til motorferdsel frå forvaltningsmyndigheita når aktuell tidsperiode for gjennomføring er planlagt. Motorisert ferdsl i utmark må også vere godkjent av kommunen, som forvaltningsmyndigheti etter motorferdsellova. Søkjar har opplyst om at tiltaket er godkjent av grunneigar.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 28.11.2025

Behandling

Vedtak

Som innstillinga.

ST 37/2025 Jotunheimen NP - dispensasjon - 2026 - omlegging av vinterløype Glitterheim - Memurubu - DNT Oslo og Omegn

Innstilling frå forvaltar

Med heimel i verneforskrift for Jotunheimen nasjonalpark § 3 pkt. 1.3 e) får DNT Oslo og Omegn dispensasjon for omlegging av den kvista vinterløypa mellom Glitterheim og Memurubu frå og med vinteren 2026, slik det er vist i kartvedlegg til søknaden.

Endringa inneber at vinterløypa blir kvista etter same trase som sommarruta.

Omlegginga skal følgjast opp med oppdatering av løypekartet og god informasjon til turisthyttene i området.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 28.11.2025

Behandling

Vedtak

Som innstillinga.

ST 38/2025 Eventuelt

Saksprotokoll i Nasjonalparkstyret for Jotunheimen og Utladalen - 28.11.2025

Vedtak

Det blir sett 2 timar til førebuing. Møtetid runda opp til 3 timar.

Alle blir oppmoda om å sende rekning snarast for å få det med på årets rekneskap.